

KUNGANI KUBALULEKILE KUTSI BOMAKE BABAMBE LICHAZA EKUSHAYWENI KWEMTSETFO?

Bomake bangetulu kwehhafu yemmango wonkhe waseNingizimu Afrika ngako-ke emavi abomake kufanele evakale uma kwentiwa tincumo nemitsetfo.

Kufakwa kwabomake ekutsatseni tincumo kusisekelo selilungelo lebuntfu. Bomake kufanele badlale indzima ekushayeni umtsetfo ngoba kusebenta kwemtsetfo nemigomo yahlulumele kunemtsetfo etimphilweni tabo tangemihla. Lokubaluleke kakhulu, lucwaningo lukhombisile kutsi uma bomake badlala indzima ekutsatseni tincumo, kuholeda ekungetekeni kwekubukisisa nasekwabiweni kwemitfombotinsita letitfutukisa imphilolo lencono kitsi sonkhe. 1 Kwandza kwekubamba lichaza kwabomake ekushayeni umtsetfo kungaholela ekutfutukiseni kutfolakala kancono kwetinsita letisisekelo njengetindlu, imfundvo nenhlalakahle.

BANGALIBAMBA NJANI BOMAKE LICHAZA EKUSHAYWENI KWEMTSETFO?

Umtsefosisekelo waseNingizimu Afrika utsi ummango kufanele ukhona kufika ubuye ubambe lichaza ePhalamende nasemisebentini wayo. Kunetindlela letehlukene lokungentiwa ngato loku.

Bomake bangadlala indzima ekushayeni umtsetfo ngekuvotela licembu lepolitiki lebacabanga kutsi lingayimelela kahle imibono yabo kanye nekutsintseka kwabo ePhalamende. Bangabuye babe yincenye ekuhleleni nasekusebenteleni licembu lebatikhetsela lona babuye bakhetfwe etimisweni talo. Bomake bakhuphukele etikhundleni letisetulu ngalendlela.

Sive sinelilungelo lekuya emihlanganweni yelikomiti nekufaka sandla eTinkhulumeni Tekutfo Luvo Lwesive. Uma intfo itsintsa kakhulu ummango, likomiti leSigungu Savelonkhe noma uMkhandlu Wavelonkhe Wetifundza lingancuma kubamba tinkhulumo tekutfo Luvo Lwesive noma licele kutsi kwentiwe tiphakamiso. Sive singabikela Likomiti Lesigungu Savelonkhe noma Likomiti Lemkhandlu Wetifundza Wavelonkhe ngalowo mbono noma intfo lekuphikiswana ngayo. Emalunga emmango angatsintsa Lilunga LePhalamende kuvakalisa umbono esigejaneni semtsetfo lotsite.

NGUTIPHI TINTFO LETIBEKWE NGUMTSETFOSISEKELO LETENTA BOMAKE BABAMBE LICHAZA?

Umtsefosisekelo waseNingizimu Afrika uniketa luhlakamsebenti lwekukhutsata kulingana ngekwelulili, ngako-ke nekufaka sandla kwabomake ekushayeni umtsetfo. Umtsefosisekelo uniketa tindlela letiningi letitfutukisa kulingana ngekwelulili. Umtsetfo Wemalungelo Ebuntfu ucinisekisa kuphatfwa ngekungana kwabobonkhe bantfu baseNingizimu Afrika. Uvimba kubandlululana lokungasikahle ngekwelulili, noma bulili. Umtsetfo Wemalungelo Ebuntfu ugqizelela kutsi kutsatfwe tinyatselo tekutfutukisa kuphumelela kwekungana kuto tonkhe tinhlango. Umtsefosisekelo ubonelela tikhungo letesekela intsandvo yeliningi, nekubamba lichaza kwabomake. Loku kufaka ekhatsi Likhomishane Lekulingana Ngekwelulili neKhomishane

Yemalungelo Ebuntfu yaseNingizimu Afrika. Kungeta kuloko lokubekwa nguMtsefosisekelo, iNingizimu Afrika itibophelele ekulinganiseni bulili ngekuvumela tinkhoba temave ngemave njengeNkhofa Yekucedza Kubandlululwa Kwabomake (Elimination of Discrimination Against Women (CEDAW) nePlatifomu Yekushukuma, leyasungulwa Yinkhoba yaseBeijing yaBomake. INingizimu Afrika iyincenye yetinhlelo tekushukuma tase-Afrika nekutfutukiswa kwabomake, sib. Iphrothokholi Yemmango Wekutfutukisa Wasentasi Neningizimu Afrika (Southern African Development Community (SADC) kutebulili nekutfutukisa.

NGUTIPHI TIMISO TABOMAKE LETIBAMBA LICHAZA EKUSHAYWENI KWEMTSETFO?

Indlela yekucala nalebaluleke kakhulu yabomake yekufaka sandla ePhalamende kungesikhatsi selukhetfo. Indlela bantfu lelavota ngayo ngesikhatsi selukhetfo ikhombisa indlela yekwakheka kweSigungu Savelonkhe kanye neMkhandlu Wavelonkhe Wetifundza. Lukhetfo lwavelonkhe luniketa bonkhe bantfu labangetulu kweminyaka leli-18 lilungelo lekuvotela licembu labo lepolitiki. Bomake benta linani lelikhulu lelavoti ngako-ke bangasebentisa lilungelo labo lekvota kute babenemtselela ekwakhekeni kwePhalamende, nendlela lesikhungo lekufanele sikhumbise ngayo embili kutfutukiswa kwabomake.

IPhalamende yesine yakhe Lamakomiti lalandzelako lasebenta ngco ngetintfo letitsintsa bomake:

- *Likomidi Lesigungu Savelonkhe LaboMake, Lusha, Bantfwana neBantfu Labakhubatekile*
- *Likomiti Lemkhandlu Wetifundza Lavelonkhe, LaboMake, Lusha, Bantfwana neBantfu Labakhubatekile*

Kusungulwe buholi lobusha baboMake, Lusha, Bantfwana neBantfu Labakhubatekile kute kugcugcutelwe imisebenti yahlulumele ekutfutukiseni nasekuvikeleni bantfu lababutsakatsaka emmangweni wetfu.

NGUTIPHI TINSELELE LETIBUKENE NABOMAKE EKUBAMBENI LICHAZA EKUSHAYWENI KWEMTSETFO?

Nanoma-nje bomake balinani lelikhulu kummango wonkhe waseNingizimu Afrika, bomake baseloku balidlanzana uma kutsatfwa tincumo. Tiningi tineselele letivimbela bomake ekudlaleni indzima lebonakalako nalekugcwele, futsi lenkhulu yakhona yindlala. Indlala ingumshikashika lobukene naboMake labaningi baseNingizimu Afrika, ikakhulu bomake basemaphandleni. Kutfolakala kwetidzingo letisisekelo njengemfundvo, emanti nenhlalakahle kugcugcutelwe kungalingani ngekwelulili, buve kanye nemazinga letenhlalo. Kute bomake babambe lichaza ngolokugcwele ekushayweni kwemtsetfo, kutfolakala kwetidzingo letisisekelo tabomake kufanele kutfutukiswe. Bomake labaphuyile banetindlela letincane tekufika etikhungweni letishaya imitsetfo.

Liningi labomake basilele emuva ekutfutukeni ngemnotfo. Ngekwelisiko bomake balicembu leliphuye kakhulu eNingizimu Afrika futsi kubukeka kwangatsi ngibo labangeke bacasheke kahle noma labangeke basebente. Lokunye futsi, yi-HIV/AIDS itsintsa linyenti lebatfati, ikakhulu labo labasebancane labaseminyakeni yekutala bantfwana. Budlova lobentiwa kubomake busaseyineselele lebukene neNingizimu Afrika. Intsandvo yelinyenti yetfu lesakhula itfutukise bomake ekutfoleni emandla kutembusave nasekutsatseni tincumo. INingizimu Afrika futsi isungule umtsetfo lotawubukana ngco nekulingana ngekwelulili. Inselele lekhona kwenta kutsi lamalungelo afike kubo bonkhe bomake.

KUNGUNYALO BAMELELWE KAHLE YINI BOMAKE EPHALAMENDE?

Kumelelwa kwabomake kuSigungu Savelonkhe kunyuke kwaya ku-45%. INingizimu Afrika iphuma ibe yesitsatfu emhlabeni wonkhe ekumelelweni kwabomake ePhalamende.

NGULIPHI LICHAZA LELINGABANJWA BOBABE?

Bobabe bangabamba lichaza lelikhulu ekuphumeleliseni kulingana ngekwebulili emmangweni waseNingizimu Afrika. Baya ngekwandza bobabe labatsatsa sincumo lesivikela kusetjentiswa kwebudlova kubomake nebantwana. Bobabe kumele bagcugcutelane kutsi bantjintje indlela yekucabanga, nekutsi bahloniphe bomake. Bobabe nabomake banelichaza lelilinganako lekufuneka balibambe ekugculeni budlelwane bebulili emmangweni. Awukho ummango longakhululeka ngalokugcwele kute kufike lapho bomake nabobabe bakhululekile futsi balingana, futsi kute kufike lapho, bobabe nabomake banesibopho lesilinganako.

Kuchubeka ufundze:

¹Molokomme, Representation of Women and Men in Politics and Decision-making Positions in SADC, 2001

LWATISO LOLUBALULEKILE:

*Portfolio Committee on Women, Youth, Children and Persons with Disabilities
Tel: (021) 403 3840*

*Select Committee on Women, Children and Persons with Disabilities
Tel: (021) 403 3768*

*Ministry for Women, Children and Persons with Disabilities
Tel: (012) 300 5575 / 5516 / (021) 464 2203*

Produced by the Public Education Office • Parliamentary Communication Services
INSPIRED BY PEOPLE

www.parliament.gov.za

P.O. Box 15, Cape Town, 8000

Telephone: (021) 403 3341 • Facsimile: (021) 403 3303

Lephamfulethi iyatfolakala ngato tonkhe tilwimi taseNingizimu Afrika letisemsetfweni



PARLIAMENT
OF THE REPUBLIC OF SOUTH AFRICA

